

**IOHANNIS GEORGII
GRAEVII ORATIO
INAUGURALIS PRO
LITTERIS. HABITA
ULTRAJECTI A.D. 13...**

Johann Georg Graevius, Valenti
Gonzaga



JOHANNES OTTON CUNY
O R A T I O
IN A U G U R A L I S

L I T T E R A R I E

Habes Utiendi et non habes
vires et non habes vim

JOHANNES OTTON CUNY
LIT. MAG. P. 1. 1. 1.

Nobilissimis, & Amplissimis Viris

CONSULIBUS, SENATO-
RIBUS ac MAGISTRATIBUS

Inclytæ Reipublicæ TRAJECTINÆ.



Uam sollemni inaugurationis meae
festivitate, more quidem majorum,
vestro tamen, Patres Amplissimi, jus-
su recitavi oratiunculam, eam nunc
vestra quoque auctoritate typis de-
scriptam ad vos fero. Si meo animo mihi licuisset
obsequi potius quam vestrae voluntati, a qua discre-
pare bono civi piaculum est, nunquam illam sivi-
sem prodire. Praestabat enim domi eam latere &
inter alias perire chartas, quam publice censorum
asperitate jugulari. Pauci quidem sunt praecipue hac
tempestate qui de his studiis possunt in consilium
mitti, omnes tamen passim videas sententiam ferre
de iis qui legendum aliquid etiam non publici sa-
poris proponunt. Quo quisque est imperitior, &
rerum, quæ ad hanc causam cognoscendam requi-
runtur, hoc est, indolis Latinae linguae, interiorum
litterarum, artis emendate, apte, ornate ac distincte
dicendi rudior, tanto facilius & audacius pronun-
tiat.

riat. Sed ut horum petulantia nemo commovebitur, nisi qui putat sibi quasi portisculum publice esse datum ad omnium ora cohibenda & laxanda: Sic paucorum illorum, qui superstites dignitatem rei litterariæ sustinent, cum quibus litteræ ipsæ, ut nunc est, aliquando efferentur, (cohorresco sane quando Europam nostram circumspicio & penuriam doctorum, veræque eruditionis contemptum cogito) judicia non revereri, aut hominis est arrogantis & effrontis, aut suæ existimationis posteritatisque securi. Ab utroque hominum genere mea ratio alienissima est, qui antiquissimum duco illis paucis placere, quorum judicium malo quam omnium aliorum, & Vobis, Viri Summates, meam observantiam, obsequium, contentionemque in mandatis mihi partibus bene, & cum fructu nostrorum adolescentum gerendis probare. In hoc mihi omnia sunt. Valete, Illustres Domini, & quam secundis auribus vos audivisse orationem hæc vestra de illa edenda voluntas declarat, eam nunc a legentibus non respui & adducta fronte excipi opto. Alias melius, si vivo, & vobis dignius munus offeram. Trajecti ad Rhenum Kal. Nov. cld lbc LXI.

JOHANNIS GEORGII GRÆVII

ORATIO

INAUGURALIS.

ILLUSTRES AC PRÆPOTENTES D. D.
 ORDINES, NOBILISSIMI, AMPLISSIMI DO-
 MINI, PRÆTOR, CONSULES, SENATORES,
 ACADEMIÆ CURATORES, MAGNIFICE DO-
 MINE RECTOR, PROFESSORES CELEBER-
 RIMI, COLLEGÆ HONORANDI, REVEREN-
 DI PRÆCONES VERBI DIVINI, PRÆSTAN-
 TISSIMI DOCTORES, MAGISTRI, CIVES,
 OMNIUM ORDINUM AC GRADUUM HOSPI-
 TES ORNATISSIMI, VOSQUE JUVENES LE-
 CTISSIMI, MUSARUM, PATRIÆ, PAREN-
 TUMQUE DELICIÆ.



Agnopere vellem vobis hoc of-
 ficiū, mihi vero in hoc loco di-
 cendi necessitatem quam mihi
 ista dies imponit, licuisset com-
 pendifacere. Præstaret enim
 nec vos desiderare celeberrimū
 ÆMILIUM, cælo nuper re-
 donatum, cujus disertissima vo-
 ce magna cum audientium dele-
 ctatione & applausu istæ exedræ
 & pulpita tot annos personuerunt, quique ante hos vi-
 A ginti

JOHANNES GEORGII GRÆVII

inti sex annos postem manu tenens sollemni nuncupatio-
 nis carmine istam Musarum ædem dedicavit: nec me tantæ
 molis, tantæ exspectationis, ac tam ardui laboris provin-
 ciam fuscipere. Romanorum Imperator Otho, quum ex sorte
 privata ad tractationem summæ rei ambitione populari e-
 merfisset, secumque cogitasset quantam subiisset aleam,
 quam obnoxius ac trepidus in illo fastigio ageret, quanta
 curarum, sollicitudinum, variorumque casuum moles ar-
 ces ac diademata premeret, temeritatis suæ pœnitentiam
 testatus perhibetur in hanc vocem erupisse: *τί γὰρ καὶ μοι μα-
κροῖς ἀνλοῖς*; Num & mihi longis tibiis fuit canendum? Istud
 Cæsaris dictum mihi etiam, qui me ex tranquillo quasi mu-
 nicipio ac secessu, Daventriensium Gymnasio, non obscu-
 ro illo quidem, sed bonarum artium, præsertim elegantio-
 rum litterarum cultu ac disciplina, præcipue vero magno
 decessore meo commemorando, in celeberrimam ac per-
 quam negotiosam urbem, in hanc florentissimam orbis Eu-
 ropæi Academiam, in istum Fœderati Belgii ocellum, in tan-
 tam hominum lucem, in conspectissimum hoc artium ac
 disciplinarum theatrum passus sum produci, mihi, inquam,
 istud Cæsaris dictum quispiam forsan haud absurde insufur-
 raret: Nunquid & tibi fuit canendum longis tibiis? Intelli-
 go enim quantam exspectationem sustineam, quantum
 specimen in eruditionis ac facundiæ experimentum istæ tot
 gravissimorum ac eruditissimorum virorum confessus, ista
 omnium in me conversa ora flagitent, quanta in posterum
 documenta cottidie in scholis publicis ac domesticis hic
 lectissimorum juvenum ex toto orbe confluxus exigat. Sa-
 ne, si tanta in me esset ingenii vis, aut dicendi facultas,
 tantæ doctrinæ copia, quantam postulat dignitas istius
 personæ, quæ mihi hodie eminentissimorum hujus urbis
 Magistratuum auspiciis, ac auctoritate, vestraque, Pa-
 tres Academici, secunda suffragatione imponitur, ma-
 gnam ex hac sollemnitate voluptatem caperem, præsentique

que animo ad dicendum, quod nunc more ac instituto maiorum faciendum est, surgerem, ac prodirem. Quid enim vel conceptissimis votis majus a diis immortalibus optare poteram, quam tot annorum labores, impensas, operamque in doctrinæ studia collatam cum dulcissimis fructibus ac egregiis præmiis compensari, latissima exhibendis virtutibus laxari spatia, & in celeberrimo hoc bonarum artium mercatu pretiosas illas Musarum merces cupidæ juventuti deferre? Si artifices scenici, alique qui ludicris se tuentur personis exultant, quando ludis, aut gladiatoribus in magni populi corona virium artiumque edere experimenta, & in omnium oculis licet ipsis exhibere, quæ dudum in ludis suis sunt meditati: quid ni ingenti efferantur gaudio disciplinis optimarum artium eruditi, quum diligentie & vigiliis ipsorum honos habetur, magnoque spectantur theatro? Mihi sane, cui hæc omnia cum maxime tribuuntur, incredibilem asferrent voluptatem, si expectationi vestræ & votis meis rerumque tractandarum majestati responderet facultas. At quum diligenter rationes hujus instituti mecum in eo, & apud animum tum loci, in quo verba mihi facienda sunt, amplitudinem, tum audientium, qui, relictis rebus, præsentia sua hanc recitationem cohonestant, dignitatem, tum etiam studiorum, ad quæ interpretanda accitus sum, magnitudinem, & varietatem reputo, pariterque curtam meam supellectilem excussa, quæ in tergo est, mantica, recognosco, non adest quin conturber ac contremiscam. Ingenii enim mei macies ac imbecillitas non patitur me ignorare quam longe ab his titulis absim, quos litterarum, quæ mihi præcipiendæ sunt, ubertas requirit, neque eo inficias, qui mihi nunquam blandior, aliis autem tribuo semper plurimum.

Rubiconem tamen hunc transii, nec licet salvo pudore ac dignitate pedem referre retro. Quin & cunctationem istam tanquam humilis & abjecti animi multi averfari mihi videntur. Confirmat me vestra, Patres Conscripti, aucto-

ritas, cui parere quæ invidia est? Erigit me vestrum judicium, de quo judicare religio mihi fuit, quum æquissimi ingeniorum alienæque industriæ arbitri sedeatis; præsertim quum mihi ipse conscius sim, nec vos fugiat, me nullis malis artibus, nulla prenfatione, ac largitione hunc locum quæsiuisse. Cum plerisque omnibus ira comparatum est ut iniqui simus rerum nostrarum æstimatores, aut nimis ample & elate, aut nimis demisse, & humiliter de nobis ipsi sentiamus. Inde præstat, Patres Patriæ, in diligentia & providentia vestra, jam pridem cum maximis aliis in rebus, tum præcipue in capiendis vestro Athenæo præsidibus spectata acquiescere, quam nunc inconsulti pudoris calumnia vos obtundere, & intempestiva abjectaque confessione imbecillitatis, quam supplebunt industria, vigiliæ, sudores, quibus omnia pretiosa, omnia desiderata, omnia arcana & recondita veneunt, & a diis immortalibus nobis deferuntur. Non refrigeranda sunt illorum studia, qui non in ipsum fastigium, & arcem quasi omnium disciplinarum potuerunt aut per ætatem, aut ingenii vitio eniti. Præclarum est, si ad prima non queant eluctari, in secundis subsistere aut tertiis. Platonis & Aristotelis, Homeri & Virgilii, Ciceronis & Demosthenis capitalia ingenia alios non deterruerunt, quo minus animum ad illas appellerent artes: nec Apellis inimitabilis manus & exempla, aut Coæ Veneris pulchritudo, aut Jovis Olympii, aut Doryphori emendatissima simulacra alios; quia nequirent imitari, removerunt quo minus in tabulis scribendis, signisve fingendis operam ac ætatem consumerent. Nihil a me exigitis, spero, cui vires meæ non sint pares, si cognoveritis me nullam unquam nec corporis, nec animi contentionem declinaturum, unde aliquis ad vos & hanc Academiam fructus pervenire possit. Ergo ad me redeo, & discussa omni cunctatione & trepidatione, prompte & alacriter succollo, quæcunque imposita mihi sunt & injuncta.

Te im-

Te immortalis Deus, Sator rerum & mundi Auctor, te Servator ac Sospitator orbis, Teque fons & origo omnis sapientiæ Spiritus Sanctissime, Te, inquam, trinum nomen & numen Dei unius unum supplex obtestor ac veneror, uti hæc pia cæpta bene ac feliciter proveniant, utique commissam mihi provinciam fortunes, ut Academia hæc mea etiam arte & industria indies convalescat, ac salutaribus corroboretur incrementis. Nunc quum mecum cogitem ac recenseam cujus rei causa locum hunc publica auctoritate conscenderim: non videtur mihi tempus lætiori augustiorique auspicio dedicari posse, quam si humanitatis disciplinam, cujus doctrina meæ fidei credita est, ab iniquis ejus osorum maledictis & criminationibus vindicem, illius dignitatem asseram, & ad ejus cultum studiosos adolescentes accendam. Quæ mea ratio a non nullis forsan improbabitur, qui in illa disputabunt argumento promiscuis declamationibus detricto non rumpenda esse subsellia, ac auditorum aures onerandas. Sed hi reprehensores nostri instituti quin illorum in numero sint, qui adversus nostras artes veniunt, non possum a me impetrare ut ambigam. Nam quum tam infestum mansuetioribus Musis seculum currat, quum indies magis magisque studia litterarum obsolescant, quum tanta, qui eis obtreçant, sit multitudo, tam late ista, non horum tantum, pro quibus stamus, studiorum, sed omnium scientiarum ac disciplinarum pestis pertineat, quis gravetur hominem, qui pro illarum salute adversus impostores, qui incautos adolescentes ab iis abducunt, excubat, omnesque occasionis articulos bene de bono publico merendi tanquam ex specula observat, nisi cui dignitas rei litterariæ odio est ac dolori, quique bellum indixit Musis earumque cultoribus? At quæ opportunior occasio rectis consiliis studiosam juventutem monendi vel cælo posset delabi, quam istud temporis momentum, quod huic rei dictum est, ac consecratum, ut accingar ad illas artes instaurandas, quas optimi ac do-

Griffimi senis funestus obitus in hac Academia afflixit ac pœne extinxit? Salubria consilia nunquam intempestiva sunt, aut justo frequentius inculcantur. Hæc enim tanquam phylacteria & amuleta adversus sycophantarum fraudes adhibenda, ne illis eximia ingenia auferantur. Nihil equidem huic loco, tempori & auditoribus convenientius excogitari potest, quam si operam dederò ut extirpetur funditus pœssima ista opinio, qua corruptores illi animos si non omnium, certe plurimorum, ab his studiis, quæ humana antiquitas appellavit, alienavere calumniantes ea nugis tantum puerilibusque Grammaticorum ac Rhetorum elementis occupari, nihil conferre neque ad laudem & gloriam consequendam, neque ad salutem Reipublicæ tuendam, neque ad vitam commode exhibendam, nihil tandem iis divinarum legum ac cærimoniarum, nec prudentiæ juris, nihil artis medendi nec sapientiæ studium imputare. Quæ calumniæ ut sunt pestilentissimæ, ita vanissimas esse ac mendacissimas ex futilibus eorum argumentis, quibus improvidam juventutem circumscribunt, cognoscetis. Primaria & palmaria (ne longum faciam) criminatio, qua studia nostra differunt, præclarosque adolescentum conatus retardant, est, nihil in iis momenti positum esse ad rerum publicarum tutelam & stabilitatem, sed naniis tantum & quibusdam frivolis contineri quisquiliis. Nam quum videant eos, qui ad elegantem & veram eruditionem juventuti viam faciunt, nunquam fere gubernaculis Reipublicæ admoveri, aut rerum actibus adhiberi, non causas orare, non iudices sedere, non Regum amicitiam, aut Principum contubernia adfectare, non populari jactantia efferri, sed procul omni ambizioso tumultu domi in litteris & otio innocentem vitam decurrere, sibi & suis Musis canere, aut totos esse in lucubrationibus suis excolendis; eo dementiæ prolapsi sunt ut decreverint nihil illos nisi poëtarum fabulas, aut historiolas quasdam prærandas

das tenere ad demulcendos pueriles animos: aut omne tempus & laborem ponere in facienda oratione, aut potius calamistris quibusdam enervanda & effeminanda. At, inquit, cui bono est scire quis Andromaches pater fuerit, quot liberos sustulerit Niobe, quot per annos Ulysses cucurrerit, quot Penelope vacua in frigido toro viduas noctes traduxerit, quomodo cœli obsidione exciderint Gigantes? Cui prodest nosse quis Athenarum auctor fuerit, quis Romam statuerit veterem, aut excitaverit novam, quando initiorum noctibus operati sint, quis verba minantia duodecim tabulis Romæ infixerit, qui fuerint Atheniensium Archontes, aut Lacedæmoniorum Ephori, aut Carthaginensium Suffetes? Quem virum gravem unquam commovere poterit ista garrulitas, & vanissimus inanium vocum ac sententiarum strepitus, quem vos eloquentiam dicitis? Quando satius erat tempus iis discendis locare, quæ in usu aliquando essetis habituri? Qui his minutis & ineptis omne ævum impendunt, a sapientia tam longe absunt, quam a suavi odore qui in culinis habitant. Sapientiæ diversorum pectus est non lingua inanes fucatarum vocum & sententiarum sonos instar torrentis effundens, quibus insidias facitis imperitorum adolescentum, aut senum, pueris similibus auribus. Porro quæ vanitas & levitas in explicandis oratoribus ac poetis, vestris illis deliciis? Vos enim fabularum interpretes tantos plausus excitatis, sit quando vocabulum aliquod obsoletum, quo Euandri mater olim usa est, aut abstrusam aliquam narratiunculam, aut antiquum quendam ritum erulistis, ac si pacata Asia albis quadrigis Capitolium ascenderetis, & sævissimorum hostium sex millia per ora civium traheretis. Hæc sunt fere, Auditores, quæ rustici illi & ab omnibus Musis & Gratiis alienissimi calumniatores de nostri ordinis & loci hominibus grandi supercilio pronunciant, & quibus cultiores artes in contemptum & invidiam apud imperitum vulgus adducere conan-

conantur. Nec infeliciter ipsis cessit. Plurimorum enim adolescentum ad magna surgentes animos corruperunt, & quasi pestilenti quodam sydere adflarunt. Non vero vi ac robore argumentorum vincunt; sed ingenti magnificorum promissorum hiatu imprudentes ac propter judicii imbecillitatem nescientes verum fictumve discernere inescant, dum illos laboriosa bonorum scriptorum lectione & difficili scribendi exercitatione, quam ætas ista sponte sua detrectat, levant, otium, delicias, honores pollicentes, quas somniando, & desidendo nimirum sint adepturi. Nam quum intelligerent tantam esse harum artium præstantiam, ut argumentis, quibus oppugnabatur, deteri nullo modo possit, ratione & insidiis usi sunt, callidisque quibusdam commentis incautam ætatem circumvenere promittentes, quibus maxime capitur, dulcem inertiam & laborum immunitatem.

Quamvis vero nunc istos homines paucis possemus absolvere & jugulare opponendo eis spectatam apud omnes & pœne divinam prudentiam illustrium hujus urbis Procerum, virorum cum benevolentia erga hanc Academiam, tum præsentia & magnitudine animi ac consilii omnem laudem excedentium, qui si hæc studia nulli rei esse, nihilque præsidii aut ornamenti rei publicæ adferre decrevissent, facile laborem in arcessendis, & sumptus in constituendis illorum Professoribus absque ullius reprehensione & invidia compendifacere potuissent. Æquius tamen cum illis agemus. Diluemus singula, quæ in nos evomuerunt, convitia, ne aut superbi audiamus, aut prævaricatores. Ut efficiant quod volunt insectatores horum studiorum, in eorum magistris accusant otium quod formandæ juventuti, & libris aut legendis aut scribendis impendant, quibus nos clamant affixos esse tanquam Sirenum scopulis, neque inde posse avelli, aut trahi, sive ad clavum rei publicæ capiendum, sive ad subsellia frequentanda, ad causas discendas, & li-

& lites æstimandas, aut quicquam eorum ambiendum, quæ tam ardentibus votis & studiis omnes cum maxime conſectantur, utpote quæ ad divitias & civiles dignitates lata viâ ducant. Inde nos tanquam vilis & abjecti animi homines traducunt, qui nihil altum & præclarum audeamus adſectare, ſed in ignobili otio deſidem & umbratilem vitam tranſigamus. Sed, o boni, quam bene nobiſcum agitur ſi hæc eſt noſtri fundi calamitas. Quod vos vituperatis factum, in illo & ſolidam gloriam & ſummam felicitatis humanæ ſitam eſſe ſapientiſſimi quique ab omni ævo judicaverunt. Non dicam de Epicureis, qui, ſi vulgo credendum, malebant in hortis & actis ſuis tanquam voluptatum & deliciarum tabernis, deſidiæque ſtabulis conſeſcere quam ulli negotio, nedum turbido Reipublicæ operam ſuam mancipare: qui & Deos infelices fore prædicabant, ſi ullius rei cura ſollicitarentur, aut præeſſent rerum humanarum procuratori. Hos tanquam homines communis ſenſus expertes, quorum ſententia dudum exploſa eſt, mittamus. Arceſſamus Socratem, virum & morum ſanctitate, & ſtudio commodandi patriæ ſuæ unum omnium, qui unquam vixerunt, primum. Is Socrates licet eſſet prudentiſſimus tractande Reipublicæ & a magiſtratibus Athenienſibus propenſe quidvis ſummarum dignitatum ipſi decernentibus ad illam capeſſendam incitaretur, nunquam tamen illorum precibus ac deſideriis veniam dedit. Patriæ tamen ſuæ tantopere cupiebat, ut vel ipſo capitis discrimine, ſi res exegiſſet, ejus pericula de precari non fuiſſet detrectaturus. Nimirum in animum induxerat divinus ſenex ſe de illa non poſſe melius mereri, quam ſi in formandis adoleſcentum, ac emendandis corruptis natu grandium civium moribus elaboraret. Si rectoribus ſapientiam, juſtitiam, ſpectatamque ad id modeſtiam: Imperatoribus fortitudinem & moderatorem, ſubjectis obedientiam & majorum legumque reve-

rentiam, omnibus æqui bonique amorem ingeneraret. Ex
ejus disciplina prodiit Alcibiades, qui maximi imperii sub-
versi & recuperati auctor fuit, & unde stabat, eos victoria
comitabatur. Ut ut vero propter pravitatem indolis re-
manferint quædam vitia, quæ diligentia Socratis extirpa-
ri non poterant, fuerunt tamen intra virtutes. Relinquo
autem cum vestris animis putandum quanta monstra vitio-
rum in bonorum omnium perniciem & patriæ suæ exitium
producturus fuisset Alcibiades, nisi ea Socratis doctrina
minuisset. Hæc nobis concinnavit etiam Xenophontem u-
nicum summi imperatoris exemplum, qui decem millium
manu contra innumeras Artaxerxis copias, prostratis &
ad internecionem cæsis auxiliis, in ipso hostilis soli medi-
tullio incredibili fortitudine non pugnavit tantum, sed &
vicit, salvanque & sospitem ex tot barbararum & fortissi-
marum gentium faucibus eripuit: totque horridas & incul-
tas regiones emensam patriæ redonavit. Hæc autem ipse
assignabat scholæ Socratis. Ex qua prodiit quoque divinus
Plato. Quanta is prudentia potuisset rempublicam tracta-
re, si aut hoc ab animo suo potuisset impetrare, aut regi-
bus id hortantibus & convitio quasi flagitantibus voluisset
auscultare argumento sunt incomparabiles libri, quos de
civili doctrina memoriæ ac posteris consecravit: sed con-
templationem rerum cœlestium, meditationem virtutum,
illisque alios imbueudi studium civilibus negotiis longe an-
teposuit. Alicubi testatur sibi nihil antiquius fuisse quam
ut sua opera prodesset patriæ. At quum intellexisset se o-
leum & operam perinde perditurum, ac si cum effœta mu-
liere in spem prolis consuesceret, utpote quæ conclamata
sit, & nullas amplius salutares medentium manus patiatur,
nec habenas prudentium rectorum audiat, se ab omni ci-
vili functione abhorruisse; præsertim qui exploratissimum
haberet, non illam tantum, sed omnium gentium respu-
blicas æque male habere, hinc diis votisque esse relinquen-
das.

us. Platonis discipulus & successor fuit Aristoteles. Quantus autem hic esse potuerit in rebus gerendis testatum nobis fecit ejus discipulus, quem præceptis suis parem orbi terrarum fecit, qui ipse fatebatur se plus Aristoteli quam parenti suo debere. Ne dicam de incredibile illa prudentia, quæ ex ejus libris quos de republica temporis & barbarorum injuria superstites nobis esse sivit elucet, quibus nihil viget par ac secundum. Stoici sapientem quidem non arcebant ab administrationibus publicis, nunquam tamen Zeno, Chrysippus, alique illius hæreseos principes ullam reipublicæ partem attigerunt. At forsan hos omnis sapientiæ antistites nostri accusatores eorundem crimium, quæ nobis impegnerunt, postulabunt, præfati umbraticos esse doctores, qui non inutilia quidem de republica literis consignarint, sed si ad eam gerendam accessissent eque inepti rectores futuri fuissent, atque stolidus & ignavus miles ille celebris sophista qui præsentem Hannibalem de officio imperatoris ambitiose disputabat. Quis credat tantos viros non in usu habuisse, quæ aliis præcipiebant; quibus tantum profligaverant in discipulis suis, ut non ornarent modo & vindicarent patriam, sed & cum immortalī gloria ejus fines longe lateque propagarent? Neque propter laborem, neque propter imprudentiam gerendi nolebant curam reipublicæ suscipere prudentissimi mortalium; sed quia credebant se utilio rem operam navare patriæ, si assiduis doctrinis juvenes a luxuria ad frugem & virtutis cultum revocarent, ingenuisque disciplinis imbuerent, ut si nepotes utilissimis ac in omne ævum duraturis scriptis erudirent. Ciceronis eadem sententia fuit, qui in republica ab incunabulis fere immortalī cum gloria est vergetus, eique se, omnem vitam, imo spiritum quoque & animam impendit. Is asseverat liquido neminem majus meliusve reipublicæ munus asferre, quam qui doceat atque erudiat juventutem, his præsertim moribus atque temporibus, quibus

bus ita prolapsa est, ut omnium opibus refrænanda sit atque coercenda.

Ite nunc nugivendi, clamate, nos alto otio, pinguique desidia torpescere, nihil patriæ commodare, si omnem operam, curam contentionemque conferimus in producendis ingeniis, quæ aliquando Ecclesiæ & reipublicæ maximas utilitates sunt præbitura. Sed videor mihi audire reponentium susurros nihil nostris studiis intercedere commercii cum istis. Me in alienam messem immittere falcem. Illos totos fuisse aut in investigandis, aut docendis altissimis & præclarissimis rebus: nos in anilibus fabellis, aut jucundis historiis, aut comulæ orationis pigmentis omne tempus conterere. Ex quibus utilitatem in Ecclesiam, fructumve in rempublicam majorem non redundare, quam si nucibus luderemus. Divini olim, auditores ac augures, si quando audirent cornicem desinistra ilice crocitantem malum vicinis promittebant. Ego, & si divinitus nesciam, cano tamen, vobisque persuasissimum esse velim, exitiale fatum, ubi hæ voces jactantur, omnis præclaræ scientiæ prope abesse: ignorantiam & barbariem plenis passibus irruere, & cervicibus nostris imminere. Sane ante mille admodum & trecentos annos eadem via ad mortem litterarum & omnium bonarum artium interitum itum est. Despuo omen, & Deum obtestor, ut hic metus vanus sit, eoque si quæ pericula impendent, defungamur; vereor tamen ne eadem calamitate fastidium & contemptum sui præstantissimæ artes ulciscantur, magnæque mercede cognoscamus fabulas istas poeticas, historias, poliendæ orationis studium, quod isti tantopere exagitant, non esse res tam viles & tralaticias, in quibus nulla opera homini ingenuo ponenda sit, sed nec sine magnis sapientiæ incrementis posse disci, & gravi religionis & sacrarum legum jactura, fatalique omnium disciplinarum interitu negligi. Quod ut melius cognoscatis fœ-

dusque

duſque error inanium reprehendorum penitus ex omnium animis evellatur paulo altius fontes noſtrarum artium inveſtigemus oportet. A vobis, Auditores, contendo, ne illa, quam adhuc mihi præſtitiftis, refrigeretur attentio, ac reliquum orationis meæ curſum, quem anguſtis ſpatiis circumſcribam, deſtituat.

Studium exornandæ orationis, ad quod fabularum & hiftoriarum cognitio in primis ſpectat, antiqui, & etiam nunc omnes ii, qui pretia rerum non inſtrumentis, quibus effe-ctæ ſunt; ſed iſtis rebus metiuntur, eloquentiam dixerunt, quæ tam arcte cum ſapientia apta & copulata eſt, ut nullum ferat diſcidium. Eloquentiæ enim fines longiſſime patent, qui non oratorum ſolum ac poëtarum gentem, ſed totum diſciplinarum ambitum complectuntur. Nulla eſt ars ac liberalis doctrina, quam eloquentia non obnoxiam ac quaſi vectigalem habeat, quæve non ipſa ſub ejus ditione eſſe cupiat. Omnibus enim, quas ſibi vindicavit illa diva, ſplendorem ac venerationem quandam afflat, qua honeſta magis ac venerabilis hominum animos advertunt & percellunt. Nimirum & virtus, quod poëta ait, in pulchro corpore venit gratior: & majeſtatem regum & principum, non magis illud excelfum fortunæ aſtigium, in quo poſiti ſunt, regni opes, & provinciarum amplitudo, quam dignitas corporis, purpura, ſceptrum & inſignia illa regia ſanctitate augment, ut a tanta hominum multitudine adorentur. Omnis rerum præclararum ſcientia magna obſcuritate involuta in abdito jacet: quam ubi homines ingenio ſollertiaque acuti indagârunt, ac animo & memoria ſunt complexi, promere vero & tradere aliis non poſſunt, ii nullum operæ ſuæ ferent pretium, nec fructum ingenii ſui capient. Id enim quod ſcimus nihil eſt, ſi cum aliis non poteſt communicari: nihili ſane fiet, ſi ſordido & inquinato ſermone explicetur, perinde ut dapes lautiffimas, ſi in cœno oblitis vafis apponantur, homines non agreſſes &

inhumani fastidiunt. Verum quando quæ subtiliter sunt in-
 quisita luculenta oratione hominum insinuantur notitiæ,
 non solum tenebris, quibus erant circumfusæ, pulsæ in il-
 lustri locabantur, sed & splendore suo mirificam sui admi-
 rationem & amorem in animis omnium concitabunt. Est
 enim quasi sol quidam rerum humanarum ac divinarum e-
 loquentia, qui illos quidem primum ac maxime illustrat
 apud quos oritur, poëtas scilicet & oratores; sed deinde
 radios suos longe lateque diffundit, & lumen suum nulli
 invidet, nisi qui instar Troglodytarum id ipsi fugiunt. Na-
 tales vero præstantissimæ disciplinæ antiquitate origini sa-
 pientiæ non concedunt: certe in eodem sinu & contuber-
 nio utraque adolevit & fuit, ut ita dicam, corroborata.
 Antiquissimi mortalium, qui primi bene dicendi & recte
 sentiendi vias investigarunt, sunt poëtæ. Sic septem illi
 principes Græciæ, Solon, Periander, Bias & cæteri, qui
 soli ea tempestate laude sapientiæ claruerunt, poëtæ dice-
 bantur. Inde recte Platonis posterius existimaverunt Poësin
 esse Philosophiam antiquam numeris & fabulis involutam:
 Philosophiam vero poësin recentiore perspicuis sensibus
 expositam sine numerorum & fabularum pigmentis. Prisci
 enim illi sapientiæ consulti poëtæ omnes bonarum artium
 disciplinas ac sapientiæ studia recondiderunt sub fabulis,
 tanquam mysteria in cistarum ferculis, ad quæ adspicienda
 & tractanda non nisi eorundem sacrorum homines admit-
 tebantur, profanum vero vulgus a sanctissimis rebus arce-
 batur longe. Quam rationem postea quoque tenuit Py-
 thagoras, ejusque disciplinæ homines, qui non quidem
 numeris constricta oratione; sed libera ac soluta, obscura
 tamen & operta usi, ænigmatum, gryphorum, ac symbolo-
 rum figuris & integumentis divinas, quas tradebant, scien-
 tias, celarunt, & quasi in reconditos ac famæ ignotos si-
 nus abdiderunt ad quos nullus vulgo patet aditus. Vole-
 bant enim utrique ut sua prudentibus tantum & initiatis
 essent

essent cognita, ne cunctis patefacta evilescerent, & tanquam res tralaticæ impuris hominibus essent contemptui. In poëtarum gentem & sacra transierunt, qui ipsi Philosophorum nomen sibi imposuerunt. Hi a fabularum illecebris & carminum lenociniis abstinerunt. Nuda & aperta oratione exposuerunt, quæ illi astu abscondebant. Tantum vero abest ut abhorruerint ab ornandis iis, quæ dicebant, ut potius in polienda oratione summo opere elaborarent, artemque recte illam excolendi & excogitarint & memoriæ prodiderint. Equidem Xenophontis Socratici, Philosophi excellentissimi, tanta fuit orationis suavitas ac dulcedo, ut non tantum apud Atticam diceretur; sed & Gratias ejus sermonem finxisse, quin ipsas Musas ejus ore loquutas esse crederent. In Platone tanta fuit dicendi vis & copia, tantus splendor & gravitas, ut Jovem ipsum, si cum hominibus loqui vellet Græce, Platonis sermone usum fuisse Cicero testetur, quo nemo unus rectius de eloquentia potest æstimare. Plato vero non fuit unus ex multis, sed qui Antimacho Clario unus fuit instar multorum, quem propter divinam Philosophiæ scientiam Philosophorum Deum veteres appellarunt. Nullus enim in omni memoria repertus fuit, qui & gravior intelligendi ac dicendi auctor esset, nisi forsitan ad ejus discipulum & successorem Aristotelem laudis hujus societatem pertinere judicaverimus. Quo nemo fuit in rebus vel inveniendis vel judicandis acrior, ut merito dubitarint an scientia rerum, an varietate operum clarior putandus esset: sane princeps omnes artes, quæ ante illum indigestæ jacebant, composuit, & via ac ratione tradidit. Hunc vero propter orationis copiam aureum flumen fundere idem Cicero judicat. Istius gloriæ æque ut docendi provinciæ hæreditas venit Theophrasto summo Philosopho, qui a dicendi divinitate nomen invenit, quum antea Tyrtamus, postea ab Aristotele Euphrastus, tandem propter divinum os Theophrastus dice-

diceretur. Neque qui posterioribus temporibus Philosophi celebres floruerunt dicendi studium neglexerunt, & a priorum laude degenerarunt. Carneadis tanta fuit in differendo vis, tanta eloquentia, tantum acumen, ut quibuscunque de rebus differeret, sive confirmandas, sive impugnandas eas suscepisset, auditores attonitos in suam traheret sententiam. Quum aliquando ab Atheniensibus ad Romanos missus esset, in celeberrimo urbis loco magno conventu populi copiose disputavit de justitia, postridie idem disputationem suam contraria disputatione evertit, justitiamque ex rebus humanis sustulit, ut populus incertus animi penderet. quod ubi animadverterat censorius Cato quam primum legatos absolvendos censuit, quoniam Carneade disputante haut facile quid veri esset possit judicari. Quid dicam de Porphyrio, Jamblichō, Maximo Tyrio, qui veterē Academia instaurata Platonis sui laudem in conjungenda cum sapientiæ studiis facundia præclare tuebantur. Possem hic commemorare plures, si mihi per temporis rationem & vestram patientiam prolixo esse liceret. Nam omnes quorum scripta in hoc studiorum genere ad nostram ætatem emerferunt constanter hoc institutum conservarunt, ut a sapiendi doctrina non separarent artes dicendi. Paucis abhinc seculis demum hæc disciplina veterum mutata est, quum Philosophia ex arce illa, in qua plena venerationis ac majestatis in amplissimo cultu petentibus irreprehensa & divina ediderat oracula, a vastis & agrestibus hominibus indignissime deturbata est in loca squalentia ac horridum carcerem, ubi tanquam sordida & pannis obsita anus ægrum trahebat spiritum, & sub novis monstris ac portentis verborum tetrum ac virulentum exhalans odorem omnes liberalis ingenii homines a suo adspectu deterrebat. Fuerunt quidem nostra patrumque memoria qui miserabili fato Reginæ artium dolentes sordes abstergere, injuriæ maculas demere, pristinumque nitorem ac dignitatem.

tem, ei reddere condenderunt: sed his semper restiterunt homines male nati, qui, nescio qua sinisteritate ac fatuitate, delectati sordibus ac fœtoribus illis maluerunt rudere quam loqui. Sed istius horæ aqua querelis non est perdenda vel ominis & auspicii causa. Nunc vero intelligitis omnes puto, quæ sit illorum immanitas ac malignitas, qui hæc studia tanquam vilia & nullius rei otiosorum hominum commenta ad deliniendos tantum vana quadam titillatione puerorum animos nata traducebant. Magis patebit harum calumniarum futilitas, si libuerit rationem mecum inire eorum, quæ altiores, ut vocant, disciplinæ nostris artibus accepta ferunt, quod insulsi & inconditi isti obtrectatores non poterant videre. Religio, maximum humani generis pignus, non quidem ope eget & vindicta aliena, sed tanquā in rupe inexpugnabili & arce maximi operis sita, suis firmata præsiidiis, suis tuta & beata est opibus. Musis tamen olim utebatur perquam familiariter, quarum vicissim merita in illam constiterunt semper plurima & summa. Cum his enim consuetudinem conjunctam quamdiu habuit rerum Domina, sancta, augusta, & veneranda apparuit: simul ac earum usum dimisit confecta morbis, vulneribus, squalore non solum dignitatem ac divinum illud decus, sed & sanctitatem perdidit, ut non ante cœperit confirmari, quam earundem Musarum opera & ministerio de integro deterfis sordibus interpolata ac sibi reddita valerudinem, vires, colorem recuperaverit. In quanto splendore fuit religio, in quanto pretio pietas, in quanto fastigio Ecclesia, quum in illa fulgerent Origenes, Basiliius, uterque Gregorius Nazianzenus & Nyssenus, Chrysostomus, Cyrillus, alique Græci sexcenti, inter Latinos Terrullianus, Cyprianus, Hieronymus, ut ceteros præteream. Hi ad sacrarum litterarum intelligentiam, & reconditos ejus sensus indagandos, præter propositi sanctitatem, tantum attulerunt eruditionis & eloquentiæ, ut qui eam non admirentur aut stuporem

sum, quod tam hebetes natura finxerit, deplorent, aut malignitatem, quod nolint agnoscere divinitatem illorum scriptorum, accusent necesse est. Auræ istius ætatis progeniem excepit genus præsidum Ecclesiæ, pro talibus enim volebant haberi, quod sicut a priorum eruditione, sic & ab illorum casta & innocenti vita aberat longe. Ii omnem curam & operam non ad proferendos pietatis & religionis fines, sed ad augendam potentiam & conficiendas opes conferebant. Quorum insolentia, ambitio, ruditas omnia superstitionibus implevit, omnia falsis opinionibus conspurcavit, in scholas & Ecclesiam importavit Scythicam barbariem, omnibus denique divinis & humanis crassissimas obduxit tenebras. Hanc illætabilem noctem oriens demum litterarum lux depulit. Tanti beneficii nomine Deo immortalī levatis in cælum manibus gratias agere libet. Hæreremus enim etiam nunc in tam densa & opaca caligine, in illis erroribus, & letalibus opinionibus; premeremur nunc quoque injusta illa importunorum hominum servitute, nisi Clemens Numen nos respexisset, excitatis viris divino afflatu perculsis, qui bonas artes & cum iis altissime demersum verum protraxissent in lucem. Agnoscamus per Deum immortalem tantum ejus munus ac tueamur. Tuebimur autem si cum recto de Deo sensu ac cultu conjunxerimus studium bonarum artium, in iisque imbibendis nostrum studium, & tempus pro fuerimus. Sin ignavia ac fastidio nostro consenescent ac extinguuntur rursus, brevi ille barbariei & superstitionum ex ea ortarum æstus omnia resorbebit. quod Deus avertat! De legum & juris civilis scientia non puto vos expectare ut prolixè narrem, quantum illi in litterarum elegantia & antiquitatis cognitione sit repositum præsidium. Nemo enim nescit quantis sordibus, situ, squalore & prodigiosis glossis inquinata fuerit regia ars, sic appellabatur a Platone, antequam orirentur Alciati, Budæi, Cujacii, Hottomanni, Augustini, Viri in tantum æstimandi, in quantum eruditio intel-
ligi

ligi potest, qui hoc Augiæ stabulum purgarunt, pristinamque formam ac speciem ei reddiderunt. Quis erit homo tam ferrei oris, qui ausit Jurisconsulti nomine se venditare, qui non intelligat Senatusconsulta, prætorum edicta, publicas auctoritates, decreta Principum in Pandectarum libris utramque paginam facientia? Nemo autem intelligit, nisi qui linguam, qua conscripti sunt, ejusque civitatis ritus, mores, instituta, res gestas cognovit. Fateor, qui non juris, sed litigandi solum prudentiam spectant, & in subselliis habitare omnem ætatem decreverunt, posse hoc labore forsan superfedere. Nam quemadmodum Celsus elegantias & vneres orationis morbos non deprecari ait: Sic in jure, quod Justinianus Medicinæ comparat, in quæstionibus, cognitionibus & causis agendis dicendi apparatus, ut nunc est, nihil prodest. Verum aliæ jurisperitorum partes sunt, quas implere non potest, nisi quantam contentionem adhibuit doctrinæ legum perdiscendæ, tantam etiam contulerit ad excolendas humanitatis disciplinas. Constat hujus ordinis homines aut solos aut præcipue mereri, ut summæ reipublicæ præficiantur, in Regum principumque comitatum & amicitiam admittantur, patriæ turbatas res componant, collapsas restituant, novis & ancipitibus obviam eant & prudenti ac diserta oratione, qua hominum animos tanquam haberis flectunt, medeantur. Nonnunquam splendide ad exteros & longinquos Principes aut pro salute aut pro dignitate patriæ suscipiendæ sunt legationes, sæpius causa illustrium reorum orandæ, frequenter coguntur adesse amicis calumniis litium aut malevolorum hominum oppressis. Interdum ab iis, qui in regionibus alio sole calentibus habent, ad expediendas difficultates Gordio nodo intricatiores implorantur. Quomodo vero singulis horum rite fungetur, qui nihil egregium animo concipere, nec, si quid concepit, venustatis juxta ac gravitatis pleno ore potest explicare? Istas illustres meditationes, hoc os rotundum nemo nisi

Musæ diu & assidue cultę dare possunt. Illæ non sunt ingræte. Amatores suos ac cultores mutuo amant, colunt, & in magno habent negotio, ut officiorum, quæ eis præstantur, ratio omnibus constet. Nisi temporis angustia excluderetur, & in aperto esset Græcæ Latineque linguę cognitio-nem illis conferre plurimum, qui pro vita ac salute nostra tanquam in statione locati dies noctesque excubant, possem jam velis laxatis in altum excurrere. Sed quis inficias ibit circumforaneorum agyrtarum potius quam Medicorum titulo censendos esse, qui malunt divina Hippocratis, Galeni, Dioscoridis, Theophrasti præcepta ex balbutientibus & nunquam non hallucinantibus interpretibus cognoscere, quam ab ipsorum disertissimo ore pendere? Vidimus quid a vulgo distent Gesneri, Mercuriales, Heurnii, Vorstii, qui quum Medicinæ studio se dedissent, non minore industria politioribus disciplinis impleverunt pectus. Quibus instructi artem suam Cimmeriis obsessam tenebris ex orco quasi revocarunt, & tam præstantissimis scriptoribus, quam nominis sui perennitati, hominumque valetudini optime consuluerunt. Quid quæritis, Auditores? Florentibus litteris omnes artes ac disciplinę, scientia divinorum oraculorum, cognitio juris, ars medendi, sapientiæ studium, pictura, statuaria, enituerunt: prolapsis litteris jacuerunt, nec ante potuerunt movere lacertos & emergere, quam eędem litteræ revirescerent & rursus erigererent caput. Litterarum cognitio est via illa regia & unica, quæ omnes omnium ætatum sapientes & doctos ad summam illam doctrinam & sapientiam, ipsamque immortalitatem evexit. Hac via etiam vobis, juvenes florentissimi, ad id fastigium enitendum est. Nulla alia patet. Nemo sit suæ saluti tam iratus ut sibi persuadeat se posse pervenire ad frugem, aut eximiam aliquam in ulla disciplina consequi scientiam, aut aliquid condere, quod ætatem, doctorum, posteritatisque calculum queat ferre, aut recte etiam de aliorum scriptis pronun-
ciare

ORATIO INAUGURALIS.

27

ciare nisi hanc viam tenuerit. Impostores ac depravatores vestri sunt, qui aliam ostendunt. Agite igitur dulces animæ, strenue & alacriter hoc iter corripite, dum genua virent, dum occasio est. En me ducem vobis fidelem offero, sive comitem potius haut impigrum. In vestris incrementis & processibus mihi omnia posita esse decrevi. Nullum laborem, nullum onus, sine ulla temporis exceptione, subterfugiam, ut vestris serviam commodis. Utimini hoc homine. Quod si pro jure vestro feceritis, læto proventu fundus vester florescet, & suo cujusque labori uberrimus constabit fructus. Vobis vero, Amplissimi Patres, quas laudes dicam, quo genere orationis gratias agam, qui mihi carissima vestra pignora, omnesque ingenuos juvenes, qui hanc litterarum & bonæ mentis officinam celebrant, fingendos ac formandos tradidistis? Quod ut mihi amplum est & sane quam honestum, sic perinde arduum esse intelligo ut vestræ de me existimationi, gravissimæ adversariæ, satisfaciam, vestrumque sustineam judicium. Sed nihil ego vestra hac erga me studiorum propensione dignum excogitare, nullisque verbis benevolentia magnitudinem exæquare possum. Totus vestri muneris sum & beneficii. Cogor bonam ejurare copiam & conturbare, nisi hanc tenuitatis meæ confessionem interpretari grati animi testificationem & obsidem volueritis, donec cultu, & observantia erga vos, studioque erga vestros liberos fidem fecero vos nec immemori locasse beneficium, nec infideli & parum de se, sibi que datis partibus sollicito hanc provinciam mandasse, nec civem cooptasse degenerem aut vobis pudendum. Vobis autem, Clarissimi Collegæ, & quaque quisque laude & scientia censetur, præstantissimi, me totum do. In vestra potestate semper ero. In id omnem curam, cogitationem, omnem denique mentem figam, ut usu, amore & obsequio vobis meos mores probem. Quod non ambitiose nunc multis inanibus verbis promittam, sed rebus representabo.

JOHANNIS GEORGII

G R A E V I I,

Eloquentiæ & Historiarum Professoris,

Maximi literarum, quæ ab humanitate nomen inve-

venerunt, Antistitis,

In Academiam TRAJECTINAM evocati

Anno Æræ Christianæ cdo Io Lxi.



*Decus, ô nostræ quondam spes altera terræ;
Tâm citò dilectam, Grævi doctissime, sedem
Prodis, & illustri desolas fidere gentem?
Gronovium quando traheret male fida secundis*

*In Batavos fortuna meum, Musæque pararent
Cum fantôre suo desertas linqvere terras,
Hoc metuens crudele nefas, stragemque Lycei,
Ac circumspiciens pubem quis duceret orbam,
Exciperetque pari vacuas virtute cathedras,
Ilicet agnosco multis de millibus unum.
Te vidi lapsis dignum succurrere rebus,
Et vidi, & legi, successoremque vocavi.
Jamque pios pariter nova spes affulserat omnes,
Te fore, qui nostros posset relevare labores,
Confirmare Deas, ac instaurare ruinam,
Affectumque tuum mirè studiumque probabant,
(O cæcas hominum mentes, vanasque futuri!)
Quum tu, frustratus nos & communia vota
Trajectum tendis, levis ab desultor amorum.
Per tria Gronovium possedi lustra, tuarum*

Ad tres autumnos mihi vix data copia laudum.
 Ipse quidem immitis, multum at tu sævior illo,
 Qui dirâ, horresco referens, de clade recentes
 Discindis plagas, & adhuc sine tegmine vulnus.
 Ille mihi triplex gestat sub pectore ferrum,
 Quem non discidium movit tam triste, movebat
 Nam duras siles ac vivis mania saxis,
 Et validas turres, & vasto robore quercus,
 Quæque meam denso pretextunt agmine ripam
 Expansis tilia ramis flevêre superbae,
 Naiadumque chorus, montanaque numina Fauni,
 Et quoscunque Deos pellucida continet unda,
 Effusis lacrymis magnum ostendêre dolorem.
 Ipse sed ante alios Nymphis gratissimus annis,
 Annis tergemini pulcherrima filia Rheni,
 Si quando nimium stringens præcordia mæror
 Vocî præbet iter vacuum, miserabile carmen
 Integrat, & surdas pulsans singultibus auras,
 Te revocat, te luce ciet noctisque tenebris,
 Te resonant totâ viridissima pascua ripâ.
 Atque his continuis Isala attenuata querelis,
 Ac gemitu depasta suo, ceu Sole tepenti
 Cana solet primo tenuari mane pruina,
 Sic macie male viva suâ tabescit & ægrè
 In pontum exiguis lento pede volvitur undis.
 At vos, ô Batavæ, si verum ponere rebus
 Jam tandem pretium, tandem didicistis Athenæ,
 Fortunata quidem, & ferientia vertice Cælum
 Oppida, sed nostris semper crescentia damnis,
 Hæc promissa fides, iurataque pacta fuêre?
 Junximus ante ideo socias in fœdera dextras,
 Justius ut spoliis vos ornaretis amicis?
 Usque adeone placet peregrinæ gratia prædæ,
 Ut non, exuviis mundi totius onustæ,

Dextram possitis saltem cohibere rapacem
 Fœdere conjunctis, sociæque relinquere egenti
 Pignora, quæ fuerant mea spes & summa voluptas,
 Pignora cara mihi velut unica filia matri?
 Haud scelus admisit tantum, qui, mille beatus
 Conjugibus, fidi sceleratâ mente mariti
 De gremio castam solamque abduxit amicam,
 Atque inopi sponso locuples subsedit adulter.
 Quas cupidis autem tali pro crimine diras
 Imprecer, atque isto dignas conamine pœnas?
 Nunquam sæva suis satientur corda rapinis,
 Cum spoliis sed crescat amor vesanus habendi;
 Ac qualem lacerasse ferunt Erisichthonis ora
 Pestiferam rabiem, quæ non placata manebat
 Mille epulis, hoc plura petens quod plura vorabat.
 Nec tamen inde suis sperent compendia Musis,
 Sed tantas nequeant ingratae noscere dotes,
 Nec meritis censere suis, ac parta labore
 Arumnâque gravi parvi mox præmia pendant.
 Non secus ac latrans fenilibus incubat altis,
 Nec stramenta suo curat nimis aspera ventri,
 Sed morsu cunctas subiectis invidus herbis
 Defendit pecudes, ac victu privat amico.
 Hanc illis mentem Nemesis justissima reddat,
 Fraudantesque suos optato munere cives
 Sint, velut ignoti quondam draco pervigil auri,
 Vanæ custodes, at commoda nulla laborum,
 Depositi nullus servati suppetat usus.

GOSWINUS HOGERSIUS.

AD

AD EUNDEM.

31

MUlis amicū pectus, atque Apollini;
Diserte GRÆVI: si quid exigui salis,
Farrisque paucū, mente libatū piā,
Placere Divis possit: Accipe hoc rudi

Licet Minervā carmen, & non dextero
Fusum calore, animumque devotum tibi.

Si vile quidquam, si quid insulsi sapit
Thalia nostra, ignosce tempori, & loco,
Queis degimus. Dolet & fateri pro pudet!

Quantum heic profundā cuncta Barbaries premas
Caligine: utque inaserit mentes lues,

Atque ista pestis: qua nec Annibal ferus;

Aut fædiorem Brennus insolens, sacro
Sacer Quiritum sanguine, intulit tuis

Romane portis. Quis furor vatum pater?

Quod, Phœbe, Numen Numini adversum tuo

Agit ruentem Barbarum? qui trux fori

Raptor Latini dictionis & styli

It jura subversum; & loquendi regulas;

Et quas diserto magnus ore Tullius,

Gravisque Varro, litterarum principes,

Fixere leges. Quod juventam inscitæ,

Inertæque pestilens sidus suo

Afflavit igne? quæ protervè & molliter

Compendio gavisa longe Tullium

Valere jussit, atque crudum umbratici

Stylum probavit, perque vœcum ineptias;

Umbrasque rerum, invito Apolline, ad decus

Famamque tendit. Jamque ut exemplo stetit.

Nefas probatum, nostræque ætas seculo

D

Pejor

Petita Colchis, aut celer nostro Tagus
 Transmittat orbi. Hęc luxui & socordia
 Emancipata pectora, & mentes suæ
 Originis laudisque securas trahant.
 Nos consecrati Apollini, & Sororibus
 Novem calentes, alacres lustrabimus
 Prærupta Pindi, quosque multâ industriâ &
 Sudore vallavit Deus Sapientię
 Colles. Et heic tenelli ego instar Ascani,
 A te locorum, gentiumque nobiles
 Tractusque, rituumque mores, & sacra,
 Venerande, discam. Quęque Troję angustię,
 Et quę ruina, quisque fatorum vagos
 Livor Pelasgos orbe toto traxerit.
 Ut causa belli, cæde tot mortalium
 Preciosa Forma, messe vix decumâ suis
 Repetita Forma; cæli & æquoris Deos,
 Et cuncta terrarum furore misceat:
 Adversa Fatis Fata: visque Cęlitum
 (Amore calcato) fovens contrariās
 Divulsa partes. Discam, ut Argivos minis,
 Iręque turgidus ruat per cuneos
 Animosus Hector: vimque lati pectoris,
 Ferroque & igne fulminantem dexteram
 Obvertat hosti. Discam Achillęi insolens
 Robur; nec ipsis improbata Pergamis,
 Invisa quamvis arma: Tum Priami senis
 Miserabilem sortem: ultimasque Urbi faces.

Sic nempe præpeti, Lacone nobilis
 Parente, matri perque saltus patrios,
 Sylvasque avitas catulus it gratus comes:
 Timidisque cervis voce, odore, & saltibus
 Instare discit. Sic cruentę fervida
 Proles Leænę inhospiralem Caucasum

Curſu fatigat , mox patri additus comes ,
 Riſtus & ungues explicat , nec roboris
 Capax ſui ſylvas & alta montium
 Horrore torvo , & voce jejuna quatit.

Nil ambigendum eſt optimo aſpice & ducē :
 Conandum alacriter , probe , impigre , ſedulo ,
 Et cuncta tentandum eſt : repulſæ neſciā eſt
 Studioſa gnavitas ; laborque induſtrius
 Sperare quidvis pollet. Hoc ergo freti ,
 Licet imperiti ; non pedum veſtigiis ,
 Sed mente tecum fervidâ calcabimus
 Lybicasque arenas , ultimasque orbis Gades,
 Et regna quondam Barbaro Xerxi , & nigro
 Regnata Poro : quæque Parrhaſis ſuo
 Arctos adurit uſque frigore ; & ferus
 Nimbis flagellat Jupiter : quæque alluit,
 Ditatque cultor & parens inanium .
 Nilus Deorum. Quidque rerum Græcia ,
 Armis , virisque : qualſque durus arbiter
 Morum Lycurgus , aut ferox fixit Draco ,
 Celebrata legibus , benigna Palladis
 Nutrix ; & artium repertrix Græcia :
 Quid Roma tractet ſciſcitantes gentium
 Superba victrix , ſive Martium ſago
 Inſerta pectus , ſeu verenda nobili
 Togâ profundum pariter & terras regat.

I. V. DUREN.